



DR Salleh (empat dari kanan) dan Jawatankuasa Liga Bola Jaring IPT 2013 bersama trofi.

## Medan pemilihan ke Kejohanan Bola Jaring Universiti Asean

**Kuala Lumpur:** Liga Bola Jaring IPT 2013 menjadi medan pemilihan pemain ke Kejohanan Bola Jaring Universiti Asean yang berlangsung di Universiti Malaya (UM), September ini.

Pengarah Sukan UM, Prof Madya Dr Mohd Salleh Aman berkata, liga anjuran UM di lima zon termasuk satu grand final itu menjanjikan saingan kompetitif semua pasukan.

“Kami menjadikan liga ini sebagai medan pemain merebut tempat mewakili negara ke kejohanan Asean dan saya pasti saingan sengit di-tampilkan setiap pasukan,” kata Mohd Salleh.

Liga itu bermula di Zon Tengah Utara iaitu di UM pada 20-24 Februari ini, di-

ikuti Zon Selatan, Politeknik Nilai (14-17 Mac), Zon Utara, Universiti Malaysia Perlis (28-31 Mac), Zon Timur, Universiti Sultan Zainal Abidin (11-14 April) dan Zon Tengah Selatan, Universiti Putra Malaysia (24-28 April) dan empat pasukan teratas setiap zon layak ke Grand Final di UM pada 8-12 Mei.

Dengan yuran RM500 dikenakan kepada setiap pasukan IPTA, IPTS, Kolej Komuniti dan Politeknik yang mengambil bahagian, juara setiap zon akan membawa pulang hadiah wang tunai RM2,000 berserta medal, manakala juara Grand Final RM5,000.

Meskipun dianjurkan di lokasi berbeza pada setiap zon, UM bertanggungjawab memainkan

peranan sebagai penganjur, dengan lokasi disediakan universiti lain.

Malah bagi memastikan setiap pasukan mempunyai peluang seimbang untuk muncul juara, penganjur menetapkan setiap pasukan hanya boleh menamakan tiga pemain kebangsaan beraksi dalam satu pasukan pada satu-satu masa, wajib menurunkan empat pemain yang tidak berpengalaman mewakili negeri dan kebangsaan, serta menyenaraikan pemain yang terdiri daripada pelajar asing, dua orang.

Setiap pasukan (IPT) ditetapkan beraksi di zon tertentu dan tidak boleh beraksi di dua zon dengan pemain pasukan yang sama.